

پنجشنبی سنه

نومرد ۲۸

۵ صفر ۱۳۱۴

۴ تموز ۱۳۱۲

اداره خانه سی

باب عالی جاده سنده قصبه کتبخانه
سیدر. رساله به متعلق کافه مشو.
لیت و خصوصیات ایچون (قصبه
کتبخانه سنه) مراجعت اولونور .

نسخه سی ۲۰ باره در

معارف

طوغار مهر ترقی عرش اعلاى معارفدن
اودر تزهتسرای کائناتی ایلین روشن

آبونه بدلی

برسنه لك الی ایکی نسخه سی پوسنه
اجرتیه برار بروجیه پیشین ۲۵
غروش استانبول ایچون اداره خانه
نه دن آلتیق اوزره ۲۰ غروشه در.

نسخه سی ۲۰ باره در

پنجشنبه کونلری نشر اولونور فنی و ادبی رساله

محرری : ابن رفعت ساح

اولسه عجا محققانه بر جواب ویره بیایمی؟ یوقسه
«ای والله» که نه دیمک اولدیغنی کوزلجه آکلاده میان
درویشه می دور؟

مؤذنک هر وقت اوقودینی بر شینک معناسنی
لا یقیله بیله مامسی غریب دکادر. زیاده تکرار
اولتان سوزلرک معنارینه اوقدر دقت ایلامک
عادتدر. هرکسک آغزنده کزیر نه معنیدار سوزلر
واردرکه تدقیق اولنسه هر برنده بر آیت حکمت
کورینور.

مؤذن شویله بر جواب ویرسه بکنیری
ایدیکز؟ :

«هر کون اوقودینم الله اکبرک معناسنی نه دن
بیلمیم؟ شمعی بن فوائد ضیایه اوقویورم.
اوراده جامی «الله اکبر» متنه بر «من کل شیء»
علاوه ایتش. ترکیب «جناب حق هر شیدن
بیوکر» دیمک اولدیغنی کوستریور.»

«اللهی بیلمین آدمی اولور؟ لفظه جلاله اعرف
المعارفدر. کافیه معر بنده بسمله شریفیه عائد
صحیفه له باقکز. زنی زاده شویله سویلر :

بسمله ده لفظه جلاله دن صکره الرحمن صفتک
ایرادنی تخصیص وتوضیح ایچون دکادر تخصیص
وتوضیح ایدله جک بر شیده نکارت و اهام بولنقی
لازم کلیر. اسم جلیله نکارت یوقدرکه بر صفتله
تخصیص کسب ایسون. اهام ده یوقدرکه محتاج
توضیح اولسون. بویله صفتله صفت مادحه
دیرلر. صفت مادح نعت مادح دیدکاری ده واردر.
نکره لرک المهمی «شیء» لفظی اولدیغنی کی معرفه لرک
اک معروفی ده لفظه جلاله در. . . .

بر شی اعرف المعارف اولسون ده انسان آتی
بیلمسون. ممکنکی؟ معریده بوکا دایر بر حکایه

استاد شعرا معلم ناجی افندی مرمرک
آنا مرمر :

الله اکبر نه دیمک؟

«الله اکبر» لسان بشر متکلم بولندجه سامعه
لری تزیین ایله جک بر ترکیب قدسیدر.

افکار متضاده اصحابی بر نقطه یه جمع ایده جک
سوزلرک ایوکی آرانه جی اولسه «الله اکبر»
بولنور. زیرا عالمده بر عاقل بولنه مزک جناب حق دن
ساب کبریاه قائل اوله بیلسون.

الله اکبرک حکمی جهانیه شاملدر. بوباده
اختلاف یوقدر، شرق وغرب یکزباندر. هر
لسان الله اکبر دیور!

نه روحانیدر او ذوق عظیم که خوش آواز
بر مؤذن زمزمه سنج الله اکبر اولدیغنی زمان خدای
کوکلری استیلا ایدر! انسانک فکری یوکسلیر.
خالقنی دوشونمکه باشلار. عظمتی خیاله آیر.
او یوکسلان فکری چوق آشاغنی قالیر. بو عجز
عارفانه دن او یله بر حلاوت جس ایدرکه آتی حقیله
تعریفندن ده عاجز بولنور.

اکبر صوفیه دن بری دیمشدرکه :

«الله اکبر آوازی هر نه زمان ایشتمه
در حال فکرمه بر جولان کلیر. خالقنک حدود
کبریاسنی آرازجه سنه کائناتی طولاشمعه باشلار.
چوق سورمز، عجز بشریت حدینی بیلیدیر.
حضور خدای اکبرده اوقدر کوچولورکه کندینه
اثبات وجود ایده من اولور.»

فقط معنی شناسان امتی الله اکبرینه حیران
ایدن مؤذنه ترکیب جلیلک معناسنی صوریله جق

سيله وارد در: ائمه نحو بودند سيويهي ارتحالند
صكره رؤياده كورن بر ذات كنديسنه نه حالده
بولنديغي صورمش. اوده مؤلفاتنده لفظه جلاله
اعرف المعارف در ديمش اولديغي ايچون مظهر غفران
اولديغي سويلمش.

مؤذك بوجوابيله قناعت ايتنلر امام غزاليه
مراجعت ايده بيليرلر. شاراليه ديركه.

الله اكبر خدا هر موجوددن بيوكدر ديمك
دكلدر. وجود حقيقي حقه مخصوصدر. بشقه
بروجود بوقدركه وجود حق ايله مقايسه اولنسونده
بو آندن بيوكدر دينلسون. هر موجود نور
وجود آلپيدر. نور آفتاب آفتابدن بشقه برشي
دكلدركه آفتاب نورندن بيوكدر ديمك ممكن اولسون.
جنساب حق اوقدر بيوكدركه عقل بشر آني
ادرا كدن عاجزدر. ايشته الله اكبرك معناسي بودر!
فرهنگ ناصرينك مقدمه سنده تصادف ايتديكم
اكر او هست پس جز او هيچ نيست و اكر
اونيست پس اين همه هستي چيست؟ عباره سيله
عارف رومينك:

ماعد مهاهيم وهستاي ما

تو وجود مطلقي فاني نما

يقي دغني غزالياندر.

~~~~~

### رقاصه آسماني

خيالات شريقيه نك نظر اعتباردن دوشمسي  
اوزرينه شعر مزده اساطير قديميه متعلق بعض  
رنكين فقط مجهول تصورلر كورولمكه باشلاديكه:  
معناسي اكلامقده پك زياده صعوبت حس ايديلبور.

السنه غريبه اتهاسي اولمايانلر بونلرده كي مزايي  
نهفته به بتون بتون بيكاندر. چونكه هنوز اساطير  
اولينك هر قسمي كوسترر بركتابه مالك دكلز:  
واقعا يونان، لاتين تاريخلري بوكا دائر معلومات  
اساسيه ويريورلر، فقط (مارس) ي (كوييدون) ي  
ييلمك ايچون معلوماتك بوقدري مرتبه كفايه ده  
كوروله مز. بزه بيوك، مكممل، برتاريخ لازمدركه:  
بر زمانلر جمعيت بشريه آره سنده بر نفوذ عمومي ي  
حائز اولان خرافات غريبه ي لايقيه اوكرنم!

بوكنسايك بهمه حال برچوق كوزل رسلري  
بولونه جق! مشيمه تصوردين طلوع ايدن برياري  
اونك رنكين لوحه لري ايچريسنده كوزمزه كوره.  
جكز، بر طرفده (وهنوس) صاري صاچلري  
آفتاب نو طلوعك اشعه زرتاندن حاصل اولمش،  
متموج برشپال زرین كسي اوموزلري اوزرينه  
طاغيده رق، متأثر برشاعرك ناصيه حزني كي درين،  
درين جز كيرله محاط اولان بر دكرك موجاتي  
آره سندن سمواته يوكسه لك، برطرفده كوييدونك  
پنبه شفق بولوطلري ايچينده كي حمله آرامنده،

كلار، بياض ياسمنلر آره سنده كيزلنرك ميني ميني  
اللايينه زينت ورن سهام سودايي اويناتديغي كورو-  
له چك! او حالده كه: انسان بويله خيالات علويه نك  
آسمان حقيقتده پروازينه اينانه جق درجه ده مست  
استغراق اولاجقده سخنوران زمانك آثارني طاتي  
طاتي اوقويه جق، بركره چك دوشونم!

سزه بويله برلوحه شاعرايه كوستراسه قلبكزده  
مروحه شاعريت يوش، يواش اهترازه باشلامازمي؟  
وقت، سحر! سمواتك اوزرندن ليال ماهتابه  
مخصوص اولان نقاب استتاري ينه اويله بر پرينك